

CONSELLERÍA DE INNOVACIÓN E INDUSTRIA

Corrección de erros.-Orde do 3 de abril de 2007 pola que se establecen as bases reguladoras para a concesión, en réxime de concorrència competitiva, das subvencións ás asociacións de comerciantes sen fins de lucro, para a incentivación da demanda comercial (liña INCEN), fomento da cooperación empresarial e da calidade (liña COOP) e desenvolvemento equilibrado dos centros comerciais abertos de Galicia e eixes comerciais (liña MEC-CA), en desenvolvemento do Plan de renovación e mellora do comercio galego, e se procede á súa convocatoria (IN219A).

Advertidos erros na devandita orde, publicada no DOG nº 70, do 11 de abril de 2007, cómpre facer as seguintes correccións:

Na páxina 5.673, artigo 2º, onde di: «Para poder ser beneficiario da subvención deberá presentarse unha solicitude axustada ao modelo normalizado que se inclúe como anexo II desta orde, que irá acompañada dos documentos que se especifican no artigo 4 das bases reguladoras», debe dicir: «Para poder ser beneficiario da subvención deberá presentarse unha solicitude individualizada e, distinguindo a liña de actuación, axustada ao modelo normalizado que se inclúe como anexo II desta orde, que irá acompañada dos documentos que se especifican no artigo 4 das bases reguladoras».

Na páxina 5.673, columna 2, liña 29, onde di: «981 54 55 17. 981 54 55 57», debe dicir: «981 54 54 17. 981 54 55 57».

Na páxina 5.675, columna 1, liña 49, onde di: «...dos requisitos referidos na alínea ii)», debe dicir: «...dos requisitos referidos na alínea h) 2».

Na páxina 5.678, artigo 7º, alínea 1, parágrafo 2º, onde di: «Este requirimento de emenda tamén se fará se das certificacións obtidas de conformidade co artigo 5.1º resulta que o solicitante non está ao día no pagamento das súas obrigas tributarias e sociais co Estado, coa comunidade autónoma e coa Seguridade Social», debe dicir: «Este requirimento de emenda tamén se fará se das certificacións obtidas de conformidade co artigo 5.1º resulta que o solicitante non está ao día no pagamento das súas obrigas tributarias co Estado, coa comunidade autónoma e coa Seguridade Social».

Na páxina 5.679, columna 2, liña 1, onde di: «a partir do seguinte ao da publicación da orde de», debe dicir: «a partir do día seguinte ao da publicación da orde de».

Na páxina 5.680, no artigo 15, alínea 1, letra c), onde di: «Acreditar con anterioridade a ditarse a

proposta de resolución de concesión que se atopa ao día nas súas obrigas tributarias estatais e autonómicas e coa Seguridade Social, e que non ten pendente de pagamento ningunha outra débeda, por ningún concepto coa Administración pública da Comunidade Autónoma galega», debe dicir: «Acreditar con anterioridade a ditarse a proposta de resolución de concesión que se atopa ao día nas súas obrigas tributarias estatais e coa Seguridade Social, e que non ten pendente de pagamento ningunha outra débeda, por ningún concepto coa Administración pública da Comunidade Autónoma galega».

Na páxina 5.680, no artigo 17, alínea 1, letra a), parágrafo primeiro, última liña, onde di: «concepto e importe en euros.», debe dicir: «concepto e importe en euros, así como documentos xustificativos do pagamento dos investimentos realizados.».

Na páxina 5.681, artigo 18, alínea 2, onde di: «O importe anual das axudas aboarase nun único pagamento, mediante transferencia bancaria á entidade financeira, ao número de conta designado polo beneficiario.», debe dicir: «O importe anual das axudas aboarase nun único pagamento, mediante transferencia bancaria á entidade financeira, ao número de conta designado polo beneficiario, para o cal se lle unirá á documentación da xustificación, certificación expedida pola entidade bancaria en que conste o dígito de control, código de banco, código de sucursal e código de conta corrente».

Na páxina 5.681, columna 2, liña 57, onde di: «nº L379/5, do 28-12-2006) e no resto de normativa», debe dicir: «nº L379/5, do 28-12-2006) e no resto de normativa».

CONSELLERÍA DE PESCA E ASUNTOS MARÍTIMOS

Orde do 4 de abril de 2007 pola que se aproban os plans para a explotación de poliquetos en Galicia para o ano 2007 e se regula o seu exercicio.

A explotación de poliquetos no litoral de Galicia aumenta cada ano debido á gran demanda destas especies para o seu uso como engado na pesca deportiva, cun valor económico elevado e que constitúe para os mariscadores unha diversificación da súa actividade, que contribúe a mellora das súas rendas.

A orde da Consellería de Pesca, Marisqueo e Acuicultura, do 6 de febreiro de 1998, pola que se regula a extracción de poliquetos, vermes mariños para engado, no litoral de Galicia, outórgalles a consideración de recurso específico, e determina o acceso ás modalidades de extracción, as condicións para a súa explotación, os días e horarios permitidos para a actividade, as cotas máximas e outras normas reguladoras.

Segundo a devandita orde, no seu artigo 3º, a extracción de poliquetos, vermes mariños para engado, no litoral de Galicia, indica que a explotación de poliquetos requirirá a presentación dun plan de explotación segundo o establecido no Decreto 425/1993, do 17 de decembro (DOG nº 13, do 20 de xaneiro de 1994), polo que se refunde a normativa vixente sobre o permiso de explotación para exercer a actividade pesqueira e marisqueira.

Con posterioridade a Consellería de Pesca e Asuntos Marítimos publica a Orde do 18 de abril de 2006 na cal se regulan os plans de explotación para poliquetos, e determina o marco para desenvolver esta actividade.

Na citada Orde do 18 de abril, e en colaboración co Centro de Investigacións Mariñas identificáronse taxonomicamente todas as especies de poliquetos comercializables, o que se completou cunha revisión bibliográfica sobre a bioloxía e ecoloxía de cada especie, da cal resulta que as especies que se explotan continúan a ser actualmente:

-*Hediste diversicolor* (miñoca).

-*Diopatra neapolitana* (miñoca de tubo, casulo).

-*Lumbrineris impatiens* (gavilán).

-*Arenicola marina* (mangón, miñoca de area).

Polo exposto,

DISPÓNDO:

Artigo 1º

Apróbanse os seguintes plans de explotación para poliquetos para o ano 2007, que se desenvolverán conforme o indicado no artigo 3º da Orde do 18 de abril de 2006, e as instrucións que se poidan ditar ao respecto:

-Plan de poliquetos da confraría de pescadores de Foz.

Especies: *Arenicola marina*.

Días máximos de extracción: 156.

Puntos de control: en Foz, saída Mañente; en Barreiros, Esteiro, saída a Barreira.

Épocas probables de extracción: de marzo a outubro, ambos os dous inclusive.

Zona de traballo: bancos de Fondás e O Taro (ría de Foz).

Arte ou técnica de extracción: a pé.

-Plan de poliquetos da confraría de pescadores de Espasante.

Especies: *Arenicola marina* e *Diopatra neapolitana*.

Días máximos de extracción: 62.

Puntos de control: punta Cabalar, peirao de Ortigueira e peirao de Ladrado.

Épocas probables de extracción: de xuño a outubro, ambos os dous inclusive.

Zona de traballo: Ladrado (peirao de Ladrado ata parque de cultivo, Laxas) Ortigueira (praia Cabalar, peirao de Ortigueira ata punta Cabalar), peirao Ortigueira (zona sur) e Senra (zona norte).

Arte ou técnica de extracción: a pé.

-Plan de poliquetos da confraría de pescadores de Ferrol.

Días máximos de extracción: 106.

Puntos de control: peirao e lonxa de Ferrol, ría de Ferrol (embarcacións de vixilancia).

Épocas probables de extracción: de xuño a outubro, ambos os dous inclusive.

Zona de traballo: desde illa Redonda ata illa Castelo.

Arte ou técnica de extracción: a mergullo con subministración de aire desde a superficie.

-Plan de poliquetos da confraría de pescadores de Miño.

Especies: *Hediste diversicolor*, *Arenicola marina*, *Diopatra neapolitana* e *Lumbrineris impatiens*.

Días máximos de extracción: 140.

Puntos de control: porto e praia pequena de Miño.

Épocas probables de extracción: de marzo a outubro, ambos os dous inclusive.

Zona de traballo: Souto, Lombo Castelo de Souto, río Lánacara, Salinas, río Morto, Lombo Castelo do Pedrido, Espiñeira, pta. praia Xurela, praia pequena Cebado, praia pequena Couce, Lombo Espiñeira. A Ponte do Porto, final praia grande, Seixas e río Bañobre.

Arte ou técnica de extracción: a pé.

-Plan de poliquetos da confraría de pescadores da Coruña.

Especies: *Lumbrineris impatiens* e *Arenicola marina*.

Días máximos de extracción: 155.

Puntos de control: zonas de extracción.

Épocas probables de extracción: de marzo a outubro, ambos os dous inclusive.

Zona de traballo: entre Pedra do Sal ata praia de Bastiagueiro.

Arte ou técnica de extracción: a pé, mergullo en apnea e con subministración de aire desde a superficie.

-Plan de poliquetos da Asociación de Mariscadores Fonte Sta. Helena de Baldaio.

Especies: *Arenicola marina*.

Días máximos de extracción: 24.

Puntos de control: Fonte Santa Helena.

Épocas probables de extracción: de maio a setembro, ambos os dous inclusive.

Zona de traballo: lagoa externa.

Arte ou técnica de extracción: a pé.

-Plan de poliquetos da confraría de pescadores de Corme-Malpica-Muxía-Camelle.

Especies: *Lumbrineris impatiens*.

Días máximos de extracción: 120.

Puntos de control: peiraos de Corme, Muxía, Camelle e Malpica de Bergantiños.

Épocas probables de extracción: de marzo a outubro, ambos os dous inclusive.

Zona de traballo: determinarase na resolución de apertura.

Arte ou técnica de extracción: a pé e a mergullo con subministración de aire desde a superficie.

-Plan de poliquetos da confraría de pescadores do Pindo.

Especies: *Lumbrineris impatiens*, *Arenicola marina*, *Hediste diversicolor*, *Diopatra neapolitana*.

Días máximos de extracción: 150.

Puntos de control: zonas de produción.

Épocas probables de extracción: de marzo a outubro, ambos os dous inclusive.

Zona de traballo: entre Punta Boxeco e Punta Curra.

Arte ou técnica de extracción: a pé.

-Plan de poliquetos da confraría de pescadores de Lira.

Especies: *Hediste diversicolor*, *Arenicola marina*, *Lumbrineris impatiens*.

Días máximos de extracción: 102.

Puntos de control: zona A (na praia da Lagoa), zona B (en Maceiras), zona C (praia de Arca).

Épocas probables de extracción: de marzo a outubro, ambos os dous inclusive.

Zona de traballo: (zona A) praia de Lagoa e Lagoa de Carrofeito, (zona B) praia de Carnota e (zona C) de Portocubelo a praia de Arca.

Arte ou técnica de extracción: a pé.

-Plan de poliquetos da confraría de pescadores de Muros.

Especies: *Hediste diversicolor*, *Arenicola marina*, *Lumbrineris impatiens*.

Días máximos de extracción: 50.

Puntos de control: Ancoradoiro, praias da Virxe, Abelleira e Esteiro.

Épocas probables de extracción: de marzo a xuño, e outubro.

Zona de traballo: de punta Uhía a punta Ínsua.

Arte ou técnica de extracción: a pé.

-Plan de poliquetos da confraría de pescadores de Vilaxoán.

Especies: *Hediste diversicolor* e *Arenicola marina*.

Días máximos de extracción: 72.

Puntos de control: esteiro do Rial, Saíñas e Corón.

Épocas probables de extracción: de marzo a outubro, ambos os dous inclusive.

Zona de traballo: esteiro do Rial, Saíñas e Corón.

Arte ou técnica de extracción: a pé.

-Plan de poliquetos da confraría de pescadores de Vilanova de Arousa.

Especies: *Hediste diversicolor*, *Arenicola marina* e *Diopatra neapolitana*.

Días máximos de extracción: 75.

Puntos de control: zona de extracción e lonxa de Vilanova de Arousa.

Épocas probables de extracción: de marzo a outubro, ambos inclusive.

Zona de traballo: Castelete-O Rego (desde Punta Baleiro a Rego do Alcalde), Esteiro de Vilamaior, O Bote-As Carballas (desde Punta Ariño ata Punta Baleiro).

Arte ou técnica de extracción: a pé.

-Plan de poliquetos da confraría de pescadores de Cambados.

Especies: *Hediste diversicolor*, *Arenicola marina* e *Diopatra neapolitana*.

Días máximos de extracción: 75.

Puntos de control: pendello da rúa Montesaco de San Tomé e lonxa de Tragove.

Épocas probables de extracción: de marzo a outubro, ambos os dous inclusive.

Zona de traballo: zonas de autorización, segundo a resolución de apertura.

Arte ou técnica de extracción: a pé.

-Plan de poliquetos da confraría de pescadores do Grove.

Especies: *Arenicola marina*, *Diopatra neapolitana* e *Hediste diversicolor*.

Días máximos de extracción: 88.

Puntos de control: zonas de extracción e lonxa do Grove.

Épocas probables de extracción: de marzo a outubro, ambos os dous inclusive.

Zona de traballo: de punta Faxilda a ponte da Illa da Toxa e de punta Cabreirón á ponte da Illa da Toxa.

Arte ou técnica de extracción: a pé.

-Plan de poliquetos da confraría de pescadores de Aldán.

Especies: *Hediste diversicolor*, *Arenicola marina*, *Lumbrineris impatiens* e *Diopatra neapolitana*.

Días máximos de extracción: 36.

Puntos de control: lonxa de Aldán.

Épocas probables de extracción: de marzo a outubro, ambos os dous inclusive.

Zona de traballo: zona interna da ría de AldánBanco de S. Cibrán, praia de Vilariño e O Cagallón.

Zona externa da ría-praias de Area Brava e Castiñeiras.

Arte ou técnica de extracción: a pé.

-Plan de poliquetos da confraría de pescadores de Cangas.

Especies: *Nereis diversicolor*, *Arenicola marina*, *Lumbrineris spp.*

Días máximos de extracción: 90.

Puntos de control: zona de extracción e lonxa de Cangas.

Épocas probables de extracción: de marzo a outubro.

Zona de traballo: delimitarase na resolución de apertura.

Arte ou técnica de extracción: a pé.

-Plan de poliquetos da *Asociación de Mariscadores de Vilaboa*.

Especies: *Hediste diversicolor*, *Diopatra neapolitana*, *Arenicola marina*.

Días máximos de extracción: 50.

Puntos de control: peirao de Sta. Cristina de Cobres.

Épocas probables de extracción: de marzo a outubro, ambos os dous inclusive.

Zona de traballo: delimitarase na resolución de apertura.

Arte ou técnica de extracción: a pé.

-Plan de poliquetos da confraría de pescadores de Redondela.

Especies: *Hediste diversicolor*, *Diopatra neapolitana*.

Días máximos de extracción: 100.

Puntos de control: A Portela e lonxa de Cesantes.

Épocas probables de extracción: de marzo a outubro, ambos os dous inclusive.

Zona de traballo: delimitarase na resolución de apertura.

Arte ou técnica de extracción: a pé.

Artigo 2º

1. Todas aquelas persoas que queiran dedicarse á extracción de poliquetos deberán figurar nun plan de explotación e estar en posesión dun permiso de explotación de poliquetos segundo o regulado no Decreto 425/1993, do 17 de decembro.

2. Os armadores de embarcacións con permiso de explotación que inclúen artes de anzol e que estean utilizando poliquetos como engado, deberán solicitar-lles ás delegacións territoriais da Consellería de Pesca e Asuntos Marítimos autorización para a captura de poliquetos (segundo o anexo III) indicando datas e zonas. Non poderán realizarse extraccións naquelas zonas en que existan plans de explotación.

3. Segundo a Orde do 23 de abril de 1999 modificada pola do 13 de xuño de 2001, da Consellería de Pesca, Marisqueo e Acuicultura, pola que se regula o exercicio do mergullo profesional, a aprobación dos plans de explotación con arte ou modalidade de mergullo implica a autorización para realizar o mergullo nas zonas e período de vixencia daqueles, segundo as resolucións de apertura que sexan ditadas pola delegación territorial, sen prexuízo da correspondente aprobación para efectos de seguridade, outorgada pola Capitanía Marítima correspondente, de acordo co establecido na Orde do 14 de outubro de 1997, do Ministerio de Fomento, que establece as normas de seguridade para o exercicio de actividades subacuáticas.

Disposicións adicionais

Primeira.-Presentación solicitudes de plan para o ano 2008.

1. As solicitudes dirixíranse á conselleira de Pesca e Asuntos Marítimos segundo o modelo que figura no (anexo I) da Orde de 18 de abril de 2006, antes do 31 de decembro de 2007, contará con informe favorable da/s confraría(s) do ámbito territorial onde se vaia desenvolver. Presentarase no rexistro da Con-

sellería de Pesca e Asuntos Marítimos ou no de calquera das súas delegacións territoriais e comarcais, e en calquera dos lugares previstos no artigo 38 da Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro.

A solicitude virá acompañada do plan de explotación orixinal, catro copias, máis unha copia en soporte informático; no caso de que o plan se desenvolva no ámbito do Parque Nacional das Illas Atlánticas ou zona de protección ambiental engadirase unha copia para informe da administración ambiental competente.

As solicitudes virán asinadas polo representante legal da entidade; se a solicitude é para un plan conxunto deberá asinarse por todos os representantes ou constar o acordo de delegación expresa de nomeamento de representante.

2. As solicitudes ás que se refire o artigo 3º da Orde do 18 de abril de 2006, axustaranse aos modelos que figuran como (anexo II) desta orde.

3. As delegacións territoriais da Consellería de Pesca e Asuntos Marítimos, como órganos responsables da tramitación da solicitude comprobarán que reúnen todos os requisitos. En caso contrario poráselles de manifesto por escrito aos interesados, para que nun prazo de dez (10) días remitan cantos datos, documentos complementarios e aclaracións se consideren necesarios para poder avaliar o plan. Advertido de que se así non o fixesen, considerarase que desistiron da súa petición. A documentación requirida para a emenda da solicitude deberá ser presentada no rexistro da delegación territorial da Consellería de Pesca e Asuntos Marítimos a que corresponda a tramitación, salvo que no escrito de requirimento se sinala outra cousa. A documentación presentada nun rexistro distinto poderá ser non-admitida, a menos que teña entrada naquel dentro do prazo inicial de 10 días conferido para a súa entrega.

4. Non se aplicará o disposto no parágrafo anterior ás solicitudes que non veñan acompañadas como mínimo dos aspectos sinalados no artigo 2º da Orde do 18 de abril de 2006, xa que se carecen dos devanditos documentos poderán ser non-admitidos sen máis trámite.

Disposicións derradeiras

Primeira.-Os plans de explotación presentados polas entidades que serviron de base para esta orde estarán dispoñibles nos servizos centrais, delegacións territoriais correspondentes da Consellería de Pesca e Asuntos Marítimos, así como na sede das entidades responsables destes.

Segunda.-Autorízase o director xeral de Recursos Mariños para o desenvolvemento desta orde, que entrará en vigor o día seguinte ao da súa publicación no *Diario Oficial de Galicia*.

Santiago de Compostela, 4 de abril de 2007.

Carmen Gallego Calvar
Conselleira de Pesca e Asuntos Marítimos



XUNTA DE GALICIA
CONSELLERÍA DE PESCA E ASUNTOS
MARÍTIMOS

ANEXO I

PROCEDEMENTO PLAN DE EXPLOTACIÓN DE POLIQUETOS	CÓDIGO DO PROCEDEMENTO PE410A	DOCUMENTO SOLICITUDE
--	---	--------------------------------

DATOS DO SOLICITANTE

ENTIDADE ASOCIATIVA DO SECTOR		CIF/NIF	
ENDEREZO		LOCALIDADE	
PROVINCIA	CÓDIGO POSTAL	TELÉFONO	FAX

E na súa representación:

APELIDOS	NOME	DNI
EN CALIDADE DE		

SOLICITA:

Aprobación do Plan de Explotación de Poliquetos

DOCUMENTACIÓN QUE SE XUNTA

☐ **PLAN DE EXPLOTACIÓN (ORIXINAL E CATRO COPIAS, UNHA DELAS EN SOPORTE INFORMÁTICO)**

OBSERVACIÓNS

LEXISLACIÓN APLICABLE

-Lei 6/1993, do 11 de maio.
-Decreto 424/1993, do 17 de decembro.
-Orde do 6 de febreiro de 1998 pola que se regula a extracción de poliquetos, vermes mariños para engado, no litoral de Galicia.
-Orde do 18 de abril de 2006 pola que se regulan os plans de explotación específicos para poliquetos e se aproban os plans para a explotación de poliquetos no litoral de Galicia para o ano 2006.
-Orde do 4 de abril de 2007 pola que se aproban os plans para a explotación de poliquetos en Galicia para o ano 2007 e se regula o seu exercicio.

SINATURA DO/A SOLICITANTE OU PERSOA QUE O REPRESENTA

, de de

(Para cubrir pola Administración)

RECIBIDO

REVISADO E CONFORME

NÚMERO DE
EXPEDIENTE

DATA DE ENTRADA

DATA DE EFECTOS

DATA DE SAÍDA

Conselleira de Pesca e Asuntos Marítimos



XUNTA DE GALICIA
CONSELLERÍA DE PESCA E ASUNTOS
MARÍTIMOS

ANEXO II

PROCEDEMENTO PLAN DE EXPLOTACIÓN DE POLIQUETOS AUTORIZACIÓN PARA EXTRACCIÓN MENSUAL	CÓDIGO DO PROCEDEMENTO PE410A	DOCUMENTO SOLICITUDE
---	---	--------------------------------

DATOS DO SOLICITANTE

ENTIDADE ASOCIATIVA DO SECTOR		CIF/NIF	
ENDEREZO		LOCALIDADE	
PROVINCIA	CÓDIGO POSTAL	TELÉFONO	FAX

E na súa representación:

APELIDOS	NOME	DNI
EN CALIDADE DE		

SOLICITA:

Autorización para apertura

DATA
BANCO OU PRAIA
ESPECIE (MÁXIMO POR ESPECIE E PERSOA)
☐ ARENICOLA MARINA ☐ DIOPATRA NEAPOLITANA ☐ HEDISTE DIVERSICOLOR ☐ LUMBRINERIS IMPATIENS

DOCUMENTACIÓN QUE SE XUNTA

☐ SOLICITUDE DE APERTURA

OBSERVACIÓNS

LEXISLACIÓN APLICABLE -Lei 6/1993, do 11 de maio. -Decreto 424/1993, do 17 de decembro. -Orde do 6 de febreiro de 1998 pola que se regula a extracción de poliquetos, vermes mariños para engado, no litoral de Galicia. -Orde do 18 de abril de 2006 pola que se regulan os plans de explotación específicos para poliquetos e se aproban os plans para a explotación de poliquetos no litoral de Galicia para o ano 2006. -Orde do 4 de abril de 2007 pola que se aproban os plans para a explotación de poliquetos en Galicia para o ano 2007 e se regula o seu exercicio.	(Para cubrir pola Administración) RECIBIDO REVISADO E CONFORME 	NÚMERO DE EXPEDIENTE DATA DE ENTRADA ____/____/____ DATA DE EFECTOS ____/____/____ DATA DE SAÍDA ____/____/____
SINATURA DO/A SOLICITANTE OU PERSOA QUE O REPRESENTA _____, de _____ de _____		

Delegado/a territorial da Consellería de Pesca e Asuntos Marítimos



XUNTA DE GALICIA
CONSELLERÍA DE PESCA E ASUNTOS
MARÍTIMOS

ANEXO III

PROCEDEMENTO SOLICITUDE DE EXTRACCIÓN DE POLIQUETOS PARA USO COMO ENGADO DESDE EMBARCACIÓN	CÓDIGO DO PROCEDEMENTO PE410A	DOCUMENTO SOLICITUDE
--	---	--------------------------------

DATOS DO SOLICITANTE

ENTIDADE ASOCIATIVA DO SECTOR		CIF/NIF	
ENDEREZO		LOCALIDADE	
PROVINCIA	CÓDIGO POSTAL	TELÉFONO	FAX
NOME DA EMBARCACIÓN	MATRÍCULA E FOLIO	Nº DE TRIPULANTES	
PORTO BASE	CONFRARÍA ASOCIACIÓN		

E na súa representación:

APELIDOS	NOME	DNI
EN CALIDADE DE		

SOLICITA:

Extracción de poliquetos para uso de engado para embarcación

DOCUMENTACIÓN QUE SE XUNTA

☐ SOLICITUDE DE POLIQUETOS

ZONA	DATA
PERSOAS QUE VAN FACER A RECOLECCIÓN	

OBSERVACIÓNS

LEXISLACIÓN APLICABLE -Lei 6/1993, do 11 de maio. -Decreto 424/1993, do 17 de decembro. -Orde do 6 de febreiro de 1998 pola que se regula a extracción de poliquetos, vermes mariños para engado, no litoral de Galicia. -Orde do 18 de abril de 2006 pola que se regulan os plans de explotación específicos para poliquetos e se aproban os plans para a explotación de poliquetos no litoral de Galicia para o ano 2006. -Orde do 4 de abril de 2007 pola que se aproban os plans para a explotación de poliquetos en Galicia para o ano 2007 e se regula o seu exercicio.	(Para cubrir pola Administración) RECIBIDO REVISADO E CONFORME	NÚMERO DE EXPEDIENTE DATA DE ENTRADA DATA DE EFECTOS DATA DE SAÍDA
SINATURA DO/A SOLICITANTE OU PERSOA QUE O REPRESENTA _____, de _____ de _____		

Delegado/a territorial da Consellería de Pesca e Asuntos Marítimos